



Contenta

De unitate ete confuanda & Sismate et
 Tractatus Suariz Successionem
 Coronatio Inuictissimae Carol. Hispaniarum regis In Romano regis
 Mody eligendi etiam Inuictissimae Imperatoris cu titulo Regis etc.
 De lapsu & reparatione iustitiae. Ino. Temenigij In dypno de
 Conualio general. libelly aptoz nator gallicane. d. d.
 Amaris non plucndy. " Aptoz

apto

De Compta ete statu. cyd.
 De Arte ete & scriptura. Jo. Codici & Lukramos?
 was auf dem Reichstag zu wrenberg verhandelt
 und von der beschreibung der drey hufen-
 Czeffte stulen auffzuertzen. Tract. M. luter.
 von arbeit und betehy etc.
 Artikel in stwischen auffgericht. bey luteris hitten
 Ein christlich ordnung der betehy halben zu Ketzungen
 ein ordnung der betehy halben zu wrenberg
 nachherliche bericht der Glucke vor pauia Inuictissimae K. M. t. folgt
 und den frantzosen


clausur

~~Theol. G. v. 174.~~
 77 L 1006



G. v. 15











Handwritten text in a medieval script, likely Gothic or similar, located in the right margin of the page. The text is arranged in approximately 12 lines, though some are partially obscured or cut off at the edge of the page. The ink is dark, and the script is dense and compact.



an 7

An die Rathherren aller Städte Deutsches

lands: das sie Christliche Schulen auffrichten vnd halten sollen.

Martinus Lutter. Wittenberg. M. D. X. Xiiij.


Lasse die Kynder zu mir Kommen vnd weret yhnen nicht Mat. 19.



hi



Die die ...
...
...
...



An die Burgermeister und Rad- herrn allerley stedte yn Deutschen landen Martinus Luther.

Dad vn̄ frid von Got vn̄serm vater vn̄ herrn
Ihesu Christo. Fürsichtigen weyszen lyeben
herrn/ Wye wol ich nu wol drey jar verbannet
vnd yhn̄n dye acht gethan/hette sollen schwey-
gen/wo ich menschen gepot mehr den Got ge-
schewet hett/woye den auch vyl yhn̄n deutschen landen/beyde
gros vnd kleyne/meyn reden vnd schreiben auß der selben sach
noch jmer verfolgen/vnnd vyl bluts düber vergyessen. Aber
weyl myr Got den mund auff gethan hat vnd mich heyszen
reden/dazû so krefftiglich bey myr stehett/vn̄ meyne sache/on-
meynen rad vnd that/so vyl stercker macht vnd weytter auß-
breyt/so vyl sie mer toben/vnd sich gleych stellet/als lache vn̄
spotte er yhrs tobens/woye der ander psalm sagt. An wilchem
alleyne merckenn mag/wer nicht verstockt ist/das dysse sache
mûß Gotes eygē seyn. Syntemal sich die art Götlichs worts
vnnd wercks hye euget/wilchs allzeyt/denn am meysten zû-
nimpt/wen mans auffss hōhst verfolget vnd dempffen wyl.

Darumb wil ich reden (woye Isaias sagt) vn̄ nicht schwey-
gen/weyl ich lebe/byß das Christus gerechtigkeit auß breche
woye eyn glantz/vnd seyn heylberäge gnad wye eyn lampe anz-
zündet werde/vnd bitte nu euch alle meyne lyeben herrn vnd
fründe/wōltet dysse meyne schufft vnnd ermanung fründlich
annemen vnd zû hertzen fassen. Den ich sey gleych an myr sel-
ber/wie ich sey/so kan ich doch fur Got mit rechtem gewissen
rhūmen/das ich darinnen nicht das meyne suche/wilchs ich
vyl bas mōcht mit stille schweygen vberkomen/sondern mey-
ne es von hertzen trewlich mit euch vnd ganzem deutschem
land/da hyn mich Got verordenet hat/es glewbe odder glew-
be nicht/wer do wyl. Vnd wyl ewer lyebe das frey vn̄ getrost

on zweyffel nicht mir/sondern Christo gehorchet. Vnd wer
mir nicht gehorchet/nicht mich/sondri christon veracht. Den
ich weis ye woll/vnd byn gewis/was vnd wo hin ich rede
odder leer/so wirts auch yedermann wol selbs spüren/so ehr
meyne lere recht wil ansehen.

Auffs erst/erfaren wir yetzt in deutschen landen durch vñ
durch/wie mann allenthalben dye schulen zur gehen lest/dye
hohen schulen werden schwach/klöster nemen ab/vnd wyl so
lchs gras dürre werden/vnd dye blume felt dahyn/wie Jsaia
as sagt/weyl der geyst Gottis durch seyn wordt dreyn webet/
vnd scheynet so heys drauff durch das Euangelion. Den nu
durch das wort Gottis kund wirt/wie solch wesen vnchrist-
lich vnd nur auff den bauch gericht sey. Ja weyll der fleisch-
liche hauffe siehet/das sie yhre söne/töchter vnd freunde/nicht
mehr sollen odder mügen in klöster vnd stift verstoffen/vnd
aus dem hause vnd gut weysen/vnd auff frembde güter setz
en/wil nyemand mer lassen kinder leren noch studiern. Ja sa-
gen sie/Was sol man lernen lassen/so nicht Pfaffen/Münich
vnd Nonnen werden sollen? Mann las sie so mehr leren/da
mit sie sich erneren.

Was aber solche leut fur andacht vnd ym syn haben/zeuget
gnugsam solch yr eygen bekentnis. Den wo sie hetten nicht
allein den bauch vnd zeitliche narung fur yre kinder gesucht
in klöstern vnd stifften oder ym geystlichen stand/vñd were
yr ernst gewest/der kinder heyl vnd seligkeyt zu suchen/so wur-
den sie nichtt so dye hende ablassen vnd hynfallen vnd sagen
Sol der geystliche stand nichts seyn/so wollen wir auch das
lernen lassen anstehen vnd nichts dazu thun/sondern würden
also sagenn/Ists war wie das Euangelion leret/das solcher
stand vnsern kindern ferlich ist/Ach lieber so leret vnns doch
eyne ander weyse/dye Got gefellig vnd vnsern kyndern seliga-
lich sey. Den wyr wölten ja gerne vnsern lieben kyndern nicht
alleyn den bauch/sondern auch dye seel versorgen/das werde
freylich rechte Chustlich trewe eltern vñ solchen sachē reden.

Das aber der böse teufel sich also zur sache stellet vñ gibet
solchs eyn den fleischliche weltherten/die kinder vñ das jung
ge volck so züuerlassen/ist nycht wunder/vñ wer wils in ver
denckē? Er ist ein furst vñ got der welt/Dz er nu des solt eyn
gefallen tragē/das im seine nester/die klöster vñ geistliche rottē
verstoriet werden durchs Euāgelion/in wilchen er aller meyst
das junge volck vderbet/an wilchen im gar viell/ja ganz vñ
gar gelegen ist/wie ist's möglich? Wie solt er das zügeben od
anregen/dz man jung volck rechte auffzihē? ja ein narre were
dz er yn seinem reich solt das lassen vñ helffen auffrichten/da
durch es auff's aller schwindest müste zü bodē gehen/wie den
geschehe/wo er das niedliche bislin die liebe jugent verlöre/vñ
leiden müste/das sie mit seiner koste vñ gütter erhalten würdē

Darüb hat er fast weyslich than (zū Gottis dienst.
zū der zeit da die Christen ier kinder Christlich auffzogē vñ
lerē liessen. Es wolt im der junge hauffe zū gar entlauffen vñ
in seinē reich ein vnleidlichs auffrichtē. Da fur er zū vñ breitet
tet seine netze auß/richte/solliche klöster/schulen vnd stende an/
das es nicht möglich war/das ym eyn knabe het solle entlauf
en on/sondlich gotis wunder. In er aber sibet/das dise stricke
durchs Gottis wort verraten werden/feret er auff dye ander
seytten/vnd wil nu gar nichts lassen lernen. Reche vnd weys
lich thut er abermal fur seyn reich züerhalten/das im der jun
ge hauffe ja bleib. Wen er den selben hat/so wechsť ehr vnter
ym auff/vñ bleibt sein/wer wil ym etwas neme? Er behelt die
welt den wol mit friden ynnen. Den wo ym sol ein schaden ge
schehen/der da reche beyße/der mus durchs junge volck ges
chehen/das ym Gottis erkentnis auff wechsť vñnd Gottis
wort auß breyttet vnd ander leret.

Nyemandt/nyemandt gleubť/wylch eynn schedlichs
teuffelysch furnemen das sey/vñnd gehet doch so styll daher/
das niemant merckť vnd wil den schaden gechan habenn/ehe
mann radten/weren vñnd helffen kann. Aij

Man fürcht sich für türcken vnd kriegen vnd wassern/denn
da verstehet man was schaden vnd frumen sey. Aber was hie
der teuffel ym syn hat/sihet nyemand/fürcht auch nyemand/
gehet still ereyn. So doch hye billich were/das wo man einen
gulden gebe wider die türcken zu streyten/wen sie vns gleich
auff dem halse legen/hye hundert gulden geben würdenn/ob
man gleych nur eynenn Knaben kund damit auff erzihen das
eyn rechter Christen man würde. Sintemal eyn recht Christen
mensch besser ist/vnd mehr nutz vermag/den alle menschen.

Der halben bit ich euch alle meyne lyeben (auff erden.
herrn vnd freunde vmb Gottis willen vnd der armen jugent
willen/wöllet dise sache nicht so geringe achten/woye viel thün
die nicht sehen/was der welt fürst gedencft. Den es ist ein ern-
ste grosse sache da Christo vnd aller welt vyl anligt/das woy
dem jungen volck helfen vnd raten. Da mit ist den auch vns
vnd allen geholffen vnd geratten. Vnd denck/das soliche still
le/heimliche/tückische anfechtunge des teuffels wyl mit gros-
sem Christlichen ernst geweret seyn. Lyeben herrn/muß man
jerlich so viel wenden an büchsen/wege/stege/demne/vnd der
gleychen vnzlichen stücke mer/da mit eyn stad zeytlich fride
vnd gemach haben. Warum solt man nicht viel mer/doch
auch so viel wenden an dye dürfftige arme jugent/das man
eynen geschickten man oder zween hylte zu schulmeystern?

Auch sol sich eyn iglicher burger selbs das lassen bewegün/
hat er byß her so vyl gelts vñ güts an ablas/messen/vigilien/
stiffen/testament/jartagem/bettel münchen/bruderschafften/
walffarten vnd was des geschwürms mer ist/verlieren müß-
sen/vnd nu hynfurt/von Gottis gnaden/solches raubens vñ
gebens loß ist/wölt doch Got zu danck vnd zu eren/hynfurt
des selben eyn teyl zur schülen geben/dye armenn kynder auff
zuzihē/das so hertzlich wol angelegt ist/so er doch hette müß
wol zehen mal so viel vergebens den obgenanten reubern vñ
noch mer geben ewyglich/wo solch liecht des Euāgelij nicht

Kommen were/ vnd yn dauon erlöset hette/ vnd erkenne doch/ dz/
wo sich das weret/ beschweret/ sperret vnd zerret/ das gewyß/
lich der teuffel da sey/ der sich nicht so sperret/ da mans zu klö-
stern vnd messen gab/ ja mit hauffen dahin treyb. Den er fulet/
das dys werck nicht seynes dinges ist. So last nu dys dye er-
ste vrsach seyn/ alle lyeben herrn vnd fründe/ die euch bewegen
sol/ das wyr hyrynn dem teuffel wydder stehen/ als dem aller-
schedlichsten heymlichen feynde.

Dye ander/ das/ wye .S. Paulus sagt. 2. Cor. 6. Wyr dye
gnade Gottis nicht vergeblich empfahe vnd dye selige zeyt
nicht verseumen. Denn Got der almechtige hat fur war vns
deutschenn jetzt gnediglich daheymen gesucht/ vnd eyn recht
gülden jar auff gericht. Da haben wyr jetzt dye feynsten geler-
tisten junge gesellen vnd menner/ mit sprachen vnd aller kunste
gezyert/ welicke so woll nutz schaffenn kündten/ wo man yhr
brauchē wolt/ das junge volck zu leren. Ist nicht fur augen
das man jetzt eynen Knaben kan ynn dreyen jaren zu richten/
das er yn seynem funffzehenden oder achzehenden jar meher
kan/ den bysher alle hohen schulenn vnd klöster gekundt ha-
ben? Ja was hat man gelernt yn hohen schulenn vnd klöstern
bysher/ den nur esel/ klöz/ vnd bloch werden? zwenzig/ vyer-
zig jar hat eyner gelernt/ vnd hat noch wider lateinisch noch
deutsch gewußt. Ich schweyge das schendlich lesterlich leben
darynnen dye edle jugent so jemerlich verderbt ist.

War ist/ ehe ich wolt/ das hohe schulenn vnd klöster blie-
ben so/ wye sie bysher gewesen sind/ das keyn ander weyse zu
leren vnd leben solt fur dye jugent gebraucht werden/ wolt ich
ehe/ das keyn Knabe nymer nichts lernte vnd stum were. Denn
es ist meyn ernste meynung/ bit vnd begirde/ das dysse esel stelle
vnd teuffels schulenn entweder yn abgrund versüncken/ odder
zu Chriftlichen schulenn verwandelt werden. Aber nu vnns
Got so reichlich begnadet/ vnd solicher leut die menge geben
hat/ dye das junge volck seyn leren vnd zihen mügen. Warz

lich so ist not/das wir dye gnade Gottis nicht yn wind schla-
hen/ vnd lassen ihn nicht vmb sonst anklopffen. Er stehet fur
der thür/wol vns so wir ym auff thun. Er grisset vnns/selig
der yhm antwortet. Versehen wirs/das er fur vber gehet/wer
wil yn wydder holen?

Last vns vnsern vorigen yamer ansehen vnd die finsternis/
daryn wir gewesen sind. Ich acht/das deutsch land/
noch nye so viel von Gottis wort gehöret habe/als jzt. Man
spürt yemichts yn der historien dauon/laffen wirs den so hirt
gehen on danck vnd ere/so ist es zu besorgen/wyr werden noch
greulicher finsternis vnd plage leyden. Lieben deutschen/
kufft weyl der marck fur der thür ist/samlet ein/weyl es schey-
net vnd gut wetter ist/braucht Gottis gnaden vñ wort/weyl
es da ist. Den das solt yr wissen/Gottis wort vnd gnade ist
eyn farender platz regen/der nicht wider kompt/wo er ein mal
gewesen ist. Er ist bey den Juden gewesen/aber hyn ist hyn/sie
haben nu nichts. Paulus bracht in yhn kriechen land. Hyn ist
auch hyn/nu haben sie den Türcken. Rom vnd lateynisch
land hat in auch gehabt/hyn ist hyn/sie haben nu den Babst
Vnd yr deutschem durfft nicht dencken/das yhr yhm ewyg
haben werden. Den der vndanck vnd verachtung wyrdt
yhn nicht lassen bleyben. Drum greiff zu vnd halt zu/
wer greiffen vnd halten kan/faule hende müssen ein bößes jar
haben.

Der dritte ist wol die allerhöhist/nemlich Gottis gepot-
der durch Mose so offt treibt vnd fodert/dye eltern sollen dye
kynder lernen/das auch der. 77: Psalm spricht. Wye hat ehr
so hoch vnsern vettern gepotten den kyndern kundt zu thun/
vnd zu leren kynds kynd. Vnd das weyset auch auß/das
vierde gepot Gottis/do ehr der eltern gehorsam den kyndern
so hoch gepent/das man auch durchs gericht tödten sol vñ
gehorsame kynder. Vnd warumb leben wyr allten anders/den
das wyr des jungen volcks warten lernen vnd auffzyhen?

Es ist je nicht möglich/das sich das tolle volck solt selbs le-
ren vnd halten/darumb hat sie vns Got befolhen/dye wir alt
vnd erfahren sind/was yhm gut ist/vnd wird gar schwerlich
rechnung von vns fur dye selben fodern. Darum auch Mose
befilht Deutero. 32. vnd spricht. Frage deynen vater der wird
dyrs sagen/die alten die werden dyrs reysen

Wye wol es sunde vnd schande ist/das da hyn mitt vns
komen ist/das wir aller erst reysen vnd vns reysen: sollen las-
sen/onsere kinder vnd junges volck zu zihen vnd ihr bestes
dencken/so doch das selb vns dye natur selbs solt treyben/vn
auch der heyden exempel vns manichfeltig weisen. Es ist kein
vnuernunfftig thier/das seyner jungen nicht wartet vnd leret/
was yn gepürt/on der straus/da Got von sagt Job. 31. das
er gegen seyner jungen so hart ist/als weren sie nicht seyn/vnd
lest seyner eyer auff der erden lyegen. Vnd was hulffs/das wir
sonst alles hetten vnd thetten vnd weren gleych eyttel heyligē/
so wir das vnter wegen lassen/darumb wir aller meyst leben
nemlich/des jungen volcks pflegen? Ich acht auch/das vnter
den eusserlichen sunden/dye welt fur Got vonn keyner so
hoch beschweret ist/vn so grewliche straffe verdienet/als eben
von dyser/dye wir an den zyhē kindern thun/dz wir sie nicht

Da ich jung war/furet man ynn der schulen eyn spricht
wort. Non minus est negligere scholarem/quam corrupere
re virginem. Nicht geringer ist es eynē schuler verseumen/den
eyne jungfraw schwechen. Das sagt man darumb/das man
dye schulmeyster erschreckt/den man wiste dazū mal keyn
schwerer sunde/den jungfrawenn schendenn. Aher/lieber herr
got dw je gar viel geringer istis jungfraw oder weiber schen-
den(wilchs doch als eyn leybliche erkandte sunde mag gebüf-
set werden) gegen diser/da dye edlen seelen verlassen vnd ge-
schendet werden/da soliche sunde auch nycht geachtet noch
erkennt vnd nymer gebüffet wird? O wehe der welt ymer vn
ewiglich. Da werden teglich kynder gepou vnd wachsen bei

uns daher/ vnd ist leyder niemand/ der sich des armen jungen volcks an neme vnd regire/ da lest mans gehenn/ wie es gehet. Die klöster vnd stiftte soltens thün/ so sind sie eben dy/ von denen Christus sagt. We der welt vmb der ergernisse willen/ wer diser jungen eynen ergert die an mich gleubē/ dem wer es besser einen müllstein an den hals gehenckft/ vñ yns meer gesenckft da es am tieffesten ist. Es sind nür kinderfresser vnd verderber.

Ja spuchstu/ solchs alles ist den eltern gesagt/ was gehet dz die radhern vñ oberkeit an? Ist recht geredt/ ja wie wen die eltern aber solchs nicht thün? wer solls den thün? solls drumß nach bleyben vñ die kindern verseumet werden? Wo wyl sich da dye oberkeit vnd Rad entschuldigen/ das jnen solchs nicht solt gepüren? Das es vō den eltern nicht geschicht/ hat manch erley vsach. Auffß erst/ sind etliche auch nicht so frum vñ redlich/ das sie es thetten/ ob sie es gleich kundten/ sondern wie die strausse/ herten sie sich auch gegen yre jungen/ vnd lassens da bey bleyben/ das sie die eyer vom sich gewoßfen vñnd kinder zeuget haben/ nicht mer thun sie dazü. Tu dise kinder sollen dennoch vnter vns vnd bey vns leben yn gemeiner stad. Wye wil den nu vernunfft vñ sonderlich Christliche liebe/ das leyden/ das sie vngezogen auff wachsen/ vñ den andern kynder gysst vnd schmeysse seyen/ damit zū lezst eyn ganze stad verderbe/ wye es den zū Sodom vnd Gomorra vnd Gaba vñ etlichen mer stedten ergangen ist.

Auffß ander/ so ist der grössest hauffe der eltern leyder vn geschickt dazü/ vnd nicht weys/ wye man kinder zihen vnd lernen sol. Den sie nichts selbs gelernet haben/ on den bauch v sorgen/ vnd gehören sonderliche leut dazü/ die kinder woll vñ recht leren vnd zihen sollen. Auffß dritte/ ob gleych die elltern geschyckft weren vñnd woltens gerne selbs thun/ so habenn sie fur andern geschefften vnd haus halten wyß zeyt noch raum dazü/ also das die not zwinget/ gemeine züchmeister fur die kynder zū halten/ Es wolte den eyn iglicher fur sich selbs eya

nen eigen haltē/aber das würde dem gemeinē man zu schwe-
re/vnd würde abermal manch feyn knabe vmb armuts wyl-
len verseumet. Dazü/so sterben viel eltern vnd lassen weysen
hynder sich/vñ wie die selben durch furnunden versorgt wer-
den/ob vns die erfahrung zu wenig were/solt vns das woll
zeygen/das sich Got selbs der weysen vater nennet/als dere-
dye von yederman sonst verlassen sind. Auch sind etliche dye
nicht kynder haben/dye nemen sich auch drums nichts an.

Darumb wils hie dem Rad vnd der oberkeit gepuren/die
aller grösssten sorge vnd fleys auffs junge volck zu haben.
Den weyl der ganzen stad/güt/er/leyb vnd leben/yn zu trewer
hand befolhen ist so thetten sie nicht redlich fur Got vnd der
welt/wo sie der stad gedeyen vnd besserung nicht suchten mit
allen vermügen/tag vñd nacht. Tu ligt eyner stad gedeyen
nicht alleynē daryn/das man grosse schezē samle/ feste maure
schöne heusser/viel büchsen vñd harnisch zeuge/ Ja wo des
viel ist/vnd tolle narren drüber komenn/ist so viel dester erger
vnd deste grösser schade der selben stad. Sondern das ist ey-
ner stad bestes vnd aller reychest gedeyen/heyl vnd krafft/das
sie viel feyner geleter/vernünfftiger/erbar/wol gezogener bur-
ger hat/die künden darnach wol schezē vnd alles gut samlen
halten vnd recht brauchen.

Wie hat die stad Roma than/die ire knaben also lies zihen
das sie inwendig funffzehen/achtzehen/zwenzig jaren aufs
auffzündigst künden lateynisch vnd kriechisch/vnd allerley
freye künste(wie man sie nenet/darnach flux in den krieg vnd
regiment/da würden witzige/vernünfftige vnd treffliche leu-
te auß/mit allerley kunst vñ erfahrungē geschickt/das/wen man
jzt alle Bischoffe vñ alle pfaffen vnd Münche yn deutsche
lande/auff einen hauffen schmelzet/solt man nicht so vil fins-
den/als mann da wol yhn eynem Römischen kriegs knecht
fand. Darumb gieng auch yhr ding vonn staten/da fand
mann leute dye zu allerley tüchtig vñd geschickt waren.

B ij

Also hats die nott allezeit erzwingen vnd erhalten yn aller welt/auch bei den heyden/das man zuchtmeyster vnd schulmeyster hat müssen haben/so man anders etwas redlichs hat wöllent auß eym volck machenn. Daher ist auch das wort/zucht meyster yn sant Paulo Gal. 4. alls aus dem gemeynen brauch menschlichs lebens genomē/da er spricht. Das geseze ist vnser zucht meyster gewesen.

Weyl den eyne stad sol vnd muß leute haben/vnd allenthalben der gröste gebreche/mangel vñ klage ist/das an leuten feyle/so mus man nicht harren/biß sie selbs wachsen/mā wird sie auch wyder auß steynen harren/noch auß holtz schnitzen/so wird Got nicht wunder thun/so lange mann der sachen durch ander seyne dargethane gütter geraten kann. Darumb müssen wir dazü thun/vnd mühe vnd kost dran wenden/sie selbst erzihen vnd machen. Den wes ist die schuld/das es jzt yn allen stedten so dünne sibett von geschickten leuten/on der oberkeyt/die das yunge volck hat lassen auff wachsen wie das holtz yn wald wechsset/vnd nicht zü gesehen/woye mans lere vnd zyhē? darumb ist es auch so vnördig gewachsen/das zü keynem barw/sondern nur eyn vnnutz gehecke vñ nur zum fewrwerck tüchtig ist.

Es mus doch weltlich regiment bleyben/sol man den zü lassen/das eytel rülzen vñ knebel regiren/so mans wol bessern kan/ist ye eyn wild vnvernünfftiges furnemen. So las mann eben so mer sew vnd wölffe zü hern machen/vnd setzen ober die/so nicht dencken wöllent/wie sie von menschen regirt werden. So ist es auch eyn vnnerschliche bößheit/so mā nicht weyter denckt den also/wir wöllent jzt regiren/was geht vns an/woye es denen gehen werde/dye noch vns komet. Nicht ober menschen/sonder ober sew vnd hunde solten soliche leute regiren/dye nicht mehr den yren nutz oder ere im regiment suchen. Wen man gleych den höhsten fleys fur wendet/das man eytel feyne/gelerte/geschickte leut erzöge zü regiren/es wurde den

noch mühe vnd sorge gnug habenn/das es wol zū gienge.
Wie sol es den zū gehen/wen man da gar nichts zū thüt?

Ja sprichstu aber mal/ob mann gleych solt vnnnd müste
schulen haben/was ist vnns aber nutz/lateynisch/kriechisch/
vnd ebreyisch zungen vnd andere freye künste zū leren/kün-
den wyr doch wol deutsch die Bybel vnd Gottis wort leren/
dye vns gnugsam ist zür selickeit. Antwort. Ja ich weys
leyder woll/das wyr deutschen müssen ymer bestien vnd tolle
thier seyn vnd bleyben/wie vns den die vmblygende lender nen-
nen vnd wir auch wol verdienen. Mich wundert aber/war-
umb wir nicht auch eyn mal sagen/Was sollen vnns seyden/
weyn/würze/vnnnd der frembden außlendischen ware/so wyr
doch selbs weyn/korn/wolle/flachs/holtz/vnd steyn yn deut-
schen landē/nicht alleyn dye fulle haben zür narung/sondern
auch die kün vnd wal zū ehren vnd schmuck? Die künste vñ
sprachen die vns on schaden/ja grösser schmuck/nutz/ere/vñ
frumen sind/beyde zür heyligen schrift zūuerstehen vñ welt-
lich regiment zū führen/wöllen wyr verachten/vnd der außz-
lendischen ware die vns wider not noch nütze sind/dazū vns
schinden bys auff den grad/der wöllen wyr nicht geratten/
heysen das nicht billich deutsche narren vnd bestien?

Zwar wen keyn anderer nutz an den sprachenn were/solt
doch vns das billich erfrewen vnd anzünden/das es so eyn
edle feyne gabe Gottis ist/da mit vnns deutschen Got yzt so
reychlich fast vber alle lender heimsucht vnd begnadet. Man
sibet nicht viel/das der teuffel dye selben hette lassen durch die
hohen schulen vnd kloster auff kommen. Ja sie haben alzeyt
auffs höhest da wyder getobet vnd auch noch toben/den der
teuffel roch den braten wol/wo die sprachen erfur kenen/wür-
de seyn reych eyn fach gewynnen/das ehr nicht künde leicht
wyder zū stopffen. Weyl er nu nicht hat mügen werenn das
sie erfur kenen/dencket er doch/sie nu also schmal zū halten/
das sie von yn selbs wider sollen vergehen vnd fallen. Es ist
B ij

yhm nicht eyn lieber gast damit yns haus komen. Dumb wil er yhn auch also speisen/das er nicht lange solle bleiben. Dysen bösen tuck des teuffels / sehen vnser gar wenig liebē herrn.

Darüb lieben deutschen last vns hie die augen auffthun. Got danckē fur das edel kleynd / vnd fest droß halten / dz vns nicht widder entzuckt werde / vnd der teuffel nicht seynē mütz willen büsse. Denn das konnen wir nicht leucken / das / wiewol das Euangelion alleyn durch den heyligen geyst yst komē / vñ teglich kompt / so ysts doch durch mittel der sprachē komē / vñ hat auch dadurch zugenommē / muß auch dadurch behalten werden. Denn gleich als da Gott durch die Apostel wolt yn alle welt dz Euangelio lassen komen / gab er die zungen da zu. Vnd hatte auch zuuor durch der Römer regiment / der kriechische vñ lateynische sprach so weyt yn alle landt außgebreitet / auff das seyn Euangelio yhe bald fern vñ weyt frucht brechete. Also hat er auch yzt gethan. Niemand hat gewußt / warüb Got die sprachen erfur ließ komē / bis das man nu aller erst syhet / das es vmb des Euangelio willē geschehen ist / wilchs er hernach hat wollen offenbarn / vnd dadurch des Endchrists regiment auff decken vñ zustoören. Darumb hat er auch kriechen land dem Türcken geben / auff das die Kriechen veriaigt vñ zustrewet / die kriechische sprach außbrechten / vnd ein anfang würden / auch andere sprachen mit zu lernen.

So lieb nun vns das Euangelio ist / so hart last vns vber den sprachē haltē / Den Got hat seyne schrifft nicht vmb sonst allein yn die zwo sprachen schreyben lassen / das alte testament yn die Ebreesche / das newe yn die Kriechische. Welche nu got nicht veracht / sondern zu seinem wort erwelet hat fur allen andern / sollē auch wir die selben fur allen andern ehren. Den Szo Paulus rümet dz fur ein sündliche ehre vnd vorteyl d Ebreeschen sprach / das gottis wort drynnen geben ist / da er sprach zün Römern .3. Was hat die beschneittung vorteyls odder nutz? Fast vil / auffß erst / so synd yhn Gottis rede befolhen.

Das rühmet auch der König David Psalm. 147. Er verkündigt seyn wort Jacob/ vnd seyne gebot vnd rechte Israhel. Er hatt keynem volck also gethan/ noch seine rechte yhnen offenbart. Daher auch Ebreische sprach heilig heisset. Vnd sanct Paulus Ro. 1. nennet sye die heylige schrift on zweiffel vmb des heyligen worts Gottis willen/ das drinnen verfasst yst. Also mag auch die Kriechische sprach wol heilig heissen/ das die selb fur /andern dazu erwelet yst/ das das newe testament drinnen geschrieben würde. Vnd aus der selben als auß ein brunnen yn andere sprach durchs dolmetschen geflossen/ vnd sye auch geheyliget hatt.

Vnd last vns das gesagt sein. Das wir das Euangelion nicht wol werden erhalten/ on die sprachen. Die sprachen synd die scheiden/ darynn dis messer des geysts sticht. Sie seint der schrein/ darinnen man das kleynd tregt. Sie seint das gefeß/ darinnen man dysen tranck fasset. Sie synd die kemot/ darynn dysen speise lygt. Vnd wie das Euangelion selbs zeygt. Sie seint die körbe/ darinnen man dysen brot vnd fische vnd brockē behelt. Ja wo wirs versehen/ das wir (da Gott fur sey) die sprachen faren lassen/ so werden wir nicht allein das Euangelion verlieren/ sondern wirt auch endlich dahyn gerathen/ das wir wider lateinisch noch deutsch recht reden oder schreiben kündē. Des last vns das elend greulich exēpel zur beweyfung vñ warnung nemen/ yn den hohen schulen vñ klöstern/ darynn man nicht alleyn das Euangelion verlernt/ sondern auch lateinische vnd deutsche sprache verderbt hat. das die ellenden leut schier zu lauter bestien worden synd/ widder deutsch noch lateynisch recht reden oder schreiben können. Vnd bey nahend auch die natürliche veruunfft verloren haben.

Darüb habens die Apostel auch selbs fur nöthtyg angesehen/ das sye das newe Testamēt yn die Kriechische sprache fasseten vñ anbunden/ on zweyffel/ das sye es vns daselbs sycher vnd gewyß verwareten wie ynn einer heiligen laden.

Den sie habē gesehen/al das yenige das zukunfftig war vn̄ nu
also ergangen yst / wo es alleyn ynn die kōpff gefasset würde/
wie manche wilde/wüste/vnordnung vnd gemēge/so manch
erley synnen/ duncckel vnd leren sich erheben würden yn dye
Christenheit/ welchen ynn keynen weg zu weren noch die ein-
seligen zu schützē weren/wo nicht das newe testament gewiß
yn schrifft vnd sprache gefasset were. Darumb ysts gewys/wo
nicht die sprachen bleyben / da mus zu lezt das Euangelion
vntergehen.

Das hat auch beweyssset/vnd zeygt noch an die erfahrung.
Denn so bald nach der Apostel zeyt/ da die sprachen auffhō-
reten/nam auch das Euangelion vnd der glawbe vnd ganze
Christenheyt ye mehr vnd mehr ab/biß dz sye vnter dem Papst
gar versuncken yst. Vnd yst synter zeyt die sprachen gefallen
synd/nicht vil besonders ynn der Christenheit ersehen/aber gar
vil grewlicher grewel aus vnwissenheyt der sprachē geschehē.
Also widderumb weyl yzt die sprachen herfur kommen synd/
Bryngen sye eyn sollich uecht mit sich/vnd thun solch grosse
ding/das sich alle welt verwundert vnd muß bekennenn/das
wir das Euangelion so lautter vnd reyn haben fast als die
Apostel gehabt haben/ vnd ganz ynn seyne erste reynigkeit ko-
men yst/vnd gar vill reynner/ denn es zur zeyt sanct Hieronymi
oder Augustini gewesen yst. Vnd summa/der heylige geyst ist
keyn narre/gehet auch nicht mit liechtfertigen vnnötigen sachē
vmb/der hat die sprachen so nütz vnd not geacht yn der Chris-
tenheit / das er sye offemals von hymel mit sich bracht hatt/
wilch's vns alleine solt gnugsam bewegen/die selben mit fleyß
vnd ehren zusuchen vnd nicht zuuerachtē/ weyl er sye nu selbs
widder auff erden erweckt.

Ja sprichstu/es synd vill vetter selig worden / haben auch
geleret on sprachen. Das yst war. Wo rechenstu aber auch
das hyn/das sye so offte yn der schryfft gefeylt habē? Wie offte
feylet sanct Augustinus ym Psalter vnd andern außlegung/so

woll alls Hilarius/ja auch alle die on dye sprachenn sich der
schufft haben vnterwunden auß zulegen? Vnd ob sie gleych
etwa recht geredt haben/sind sie doch der sachen nicht gewys
gewesen/ob das selb recht an dem ort stehe/da sie es hyn deus
ten? Als/das ich des ein exempel zeyge. Recht ist's geredt/das
Christus gottis son ist. Aber wye spöttisch lautet es in den oren
der widsacher/da sie des grund fureten auß dem. 109. psalm
Tecum principium in die virtutis tue. So doch da selbs in der
Ebreischen sprach nichts von der Gottheit geschriben steht.
Wen man aber als mit vngewissen grunden vnd feylspruch
en den glauben schützet/ist's nicht eyn schmach vnd spott der
Christen bey den wider fechtern/dye der sprach kündig sind?
vnd werden nür halstarriger ym irthüm/vnnd halten vnsern
glauben mit güttem scheyn fur eynen menschen trawm.

Wes ist nu die schuld/das vnser glaube so zü schanden
wird? nemlich/das wyr der sprachen nicht wissen/vnd ist hye
keyn hülffe/den dye sprachen wissen. Wart nicht. S. Hierony:
getzungen den psalter von newem züuerdolmезen auß dē
Ebreischen vmb des willē/das wo man mit den Juden auß
vnserm psalter handelt/spottē sie vnser/das es nicht also stün
de yhm Ebreischen/wye es die vnsern fureten? Tu sind aller
alten veter außlegung/die on sprachen die schrift habenn ges
handelt (ob sie wol nichts vnrechts leren) doch der gestalt/
das sie fast offte vngewisse/vnebene/vnnd vngzeyttige sprache
furen/vnd tappen wye eynn blinder an der wand/das sie gar
offt des rechten texts feylen/vnd mache yhm eyne nasen nach
yrer andacht/wye dem vers droben antzeygt. Tecum principis
um. 10. Das auch. S. Augusti. selbs mus bekennen/wye er sch
reibt de doctrina Christ. das eynem Christlichenn lerer/der dye
schrift sol außlegen/nodt sind ober die Lateinische/auch dye
Briechische vnd Ebreische sprachen. Es ist sonst vnmüglich
das ehr nicht allent halben anstosse/Ja noch not vnnd erbeyt
da ist/ob eyner die sprachen schon wol kan.

C

Darumb ist's gar viel eyn ander ding vmb eynen schlechten prediger des glaubens vnd vmb eynen außleger der geschriffte/odder wie es. S. Paulus nennet/eynen propheten. Eyn schlechter prediger (ist war) hat so viel heller sprüch vnd text durchs dolmetschē/das er Chustum verstehen/leren/vnd heyliglich leben vnd andern predigen kan. Aber dye schrift außszülegen vnd zū handeln fur sich hyn/vnd zū streitten wider dye irrigen eynfärer der schrift/ist er zū geringe/das lest sich on sprachen nicht thün. Tu mus man ye yn der Chrustenheyt soliche propheten haben/die die schrift treyben/vnd außlegen vnd auch zūm streyt tugen/vnd ist nicht gnug am heyligen leben vnd recht leren. Darumb sind die sprachen stracks vnd aller dinge von nöten yn der Chrustenheyt/gleich wye die Propheten/odder außleger/obs gleich nicht not ist noch/sein mus das eyn iglicher Chrust odder prediger sey eyn solich Prophet wie sanct Paulus sagt. 1. Cor. 12. vnd Ephe. 4.

Daher kompts/das sind der Apostell zeytt/dye schrift so finster ist blieben vnd nyrgent gewisse beständige außlegunge drüber geschriben sind. Den auch die heyligen veter (wie gesagt) offft gefielt/vnd weyl sie der sprachenn vnwissend gewesen/sind sie gar selden eynes/der feret sonst/der feret so. Sanct Bernhart ist eyn man von grossen geyst gewesen/das ich yn schier thürst vber alle lerer setzen/dye berümpft sind/beyde alle vñ newe. Aber sihe/wie er mit der schrift so offft (wie wol geystlich) spielt vnd sie furet außser dem rechten syn. Derhalben haben auch die Sophisten gesagt. Dye schrift sey finster/haben gemeynet/Gottis wort so von art so finster/vñ rede so seltsam. Aber sie sehen nicht das aller mangel ligt am den sprachenn/sonst were nicht liechters ye geredt/den Gottis wort/wd wyr die sprachen verstünden. Eyn Türck mus myr wol finster reden/wilchen doch eyn türckisch kynd von sibem jaren wol vernympt/dye weyl ich die sprache nicht kenne.

Darumb ist das auch eyn toll furnemen gewesen/das mā

dye schrifft hat wöllen lernen durch der vetter auffzulegen/ vnd
wyell bücher vnnnd glossen lesen. Man solt sich dafür auff
dye sprachen geben haben. Denn dye liebenn vetter/ weyll sie
onn sprachen gewesen sind/ habenn sie zu weylem mit vielen
wortten an eynem spruch geerbeytet/ vnd dennoch nur kaum
hynnach geomet/ vnd halb geraten/ halb gefeylet. So leuffestu
dem selben nach mit viel mühe/ vnd kundtist dye weyl durch
dye sprachenn/ dem selben wyell bassz solichen ratten/ den der
dem du folgest. Denn wye dye sonne gegenn dem schatten ist/
so ist dye sprache gegen aller vetter glosen. Weyll den nu den
Christenn gepurt/ dye heyligen schryfft zu vben/ alls yr eygen
eyniges buch / vnnnd eynn sunde vnnnd schande ist / das wyr
vnser eygen buch nicht wissen/ noch vnser Gottis sprach vñ
wort nicht kennen/ so ist noch wyel mer sunde vnd schanden
das wyr nicht sprachen leren/ sonderlich/ so vns igt Got dar
beut vnd gybt leutte vnd bücher vnd allerley/ was dazzu dyes
net/ vnd vns gleych dazzu reyt/ vnd seyn buch gern wolt of
fen haben. O wye fro solten die lieben vetter gewesen sein/ wen
sie hetten so kundt zur heyligen schrifft kommen vnnnd dye
sprachen leren/ als wyr kunden. Wye haben sie mit so grosser
mühe vnd fleys kaum die brocken erlanget/ da wir mit halber/
ya schier on alle erbeyt/ das ganze brod gewynnen kunden.
O wye schendet yhr fleys vnser faulheyt? Ja wye hart würdt
Got auch rechen solchem vnser vnflays vnnnd vndanck
barkeytt.

Da her gehöret auch/ das Sanct Paulus. 1. Corinth.
.14. wyll/ das yhm der Christenheyt soll das vrteyl seyn vber
allerley lere/ dazü aller dyngge vonn nöten ist/ dye sprache zu
wyssen. Den der prediger od lerer mag wol dye Biblia durch
vnd durch lesen/ wie er wil/ er treffe odder feyle/ wen niemand
da ist/ der da vrteyle/ ob ers recht mache odder nicht. Soll
mann denn vrteylen/ so mussz kunst der sprachenn da seyn
sonst ist verloren. Darumb ob woll der glaube vnd das
Cij

Das Euangelion durch schlechte prediger mag om̄n sprachen
predigt werden/so gehet es doch faul vnd schwach/vnd man
wyrds zu letzt müde vnd vberdrüssig vnd fellet zu boden.
Aber wo die sprachen sind/da gehet es frisch vnd starck/vnd
wirt die schryfft durch trieben / vnd syndet sych der glawe
ym̄er new/durch andere vnd aber andere wort vnd werck/das
Der.128. Psalm sollich studium ym̄ der schryfft vergleicht einer
yaget vñ spricht. Got öffene den hirssen die dicke welde. Vnd
Psalm.1. Eynem baum der ym̄er grünet vnd ymmer frysch
wasser hatt.

Es soll vns auch nicht yren/das etlich sych des geists rhü/
men vnd die schryfft geringe achtē. Etliche auch wie die brü
der Valdenses die sprachen nicht nützlich achten. Aber lieber
freund geyst hyn/geist her/ ich byn auch ym̄ geist gewesen/vñ
habe auch geist gesehen (wens yhe gelten soll vonn eygenem
sich ist rhümen) vñ villicht mehr/den eben die selbigen noch ym̄
yar sehen werdē/wie fast sye auch sych rhüme. Auch hat mein
geyst sych etwas beweyset/so doch yher geyst ym̄ winckel gar
styll ist/vnd nicht vil mehr thut/den seynen rhum auff wirfft.
Das weiß ich aber wol/wie fast der geist alles alleynē thut/we
re ich noch allem püsschen zu ferne gewest/wo mir nicht die
sprachen geholffen vnd mich der schryfft sycher vnd gewyß
gemacht hetten. Ich hette auch wol kund frum seyn/vnd ym̄
der stille recht predigen/Aber den Bapst vnd die Sophisten
mit dem ganzen Endechristischen regiment würde ich woll
haben lassen sein was syt syndt. Der teuffel achtet meinē geyst
nicht so fast/als meyne sprache dnd feder ym̄ der schryfft. Den
meyn geyst nimpt yhm nichts denn mich allein. Aber die heilis
gen schryfft and sprachen machen yhm die welt zu enge/vnd
thut yhm schaden ym̄ seyn reich.

So kan ich auch die brüder Valdenses darynnē gar nichts
loben/das sye die sprachen verachten. Denn ob sye gleich recht
lereten/so müssen sye doch gar offte des rechten texts seyle/vñ

auch ungerüst vnd ungeschickt bleiben zusechtē für den glaubs
ben widder den ythumb. Dazū yst yhr ding so synster vnd
auff eyne eygē weise gezogen/ausser der schryfft weise zu re-
den/das ich besorge/es sey/oder werde nicht lauter bleiben. Des
es gar ferlich yst von Gottis sachen anders reden/oder mit an-
dern wortten/denn Gott selbs braucht. Kürzlich/sie mügen
bey yhn selbs heylig leben vnd leren. Aber weyll sie on sprache
bleyben wirt yhn mangeln müssen/das allen andern mangelt/
nemlich/das sye die schryfft gewiß vnd gründtlich nicht han-
deln/noch andern volckern nützlich seyn mügē. Weyl sye aber
das wol künden thun/vnd nicht thun wollen/mügen sye zu
sehen/wie es für Got zuuerantworten sey.

Tu das sey gesagt von nutz vnd nott der sprachen vnd
Christlichen schulen/ für das geystlich wesen vnd zur seelen
heyl. Tu last vns auch den leyb furnemen/vnd setzen/ob schō
keyn seel nach hymel odder helle were/vnd solten alleyne das
zeitlich regiment ansehen nach der welt/ob dz selb nicht dürf-
fe viel mehr gutter schulen vñ geleter leutte/den das geystliche
Denn byßher sych desselben die Sophisten so gar nichts habē
angenomen/vnd die schulen so gar auff den geystlichen stād
gerichtet/ das gleich eyne schande gewesen yst/ so eyn geleter
yst ehlich worden/vnd hat müssen hören sagen/syhe/der wirt
weltlich vnd wil nicht geystlich werdē/gerade als were allein
yhr geystlicher stand Got angenehm/vnd der weltliche (wie sie
yhn nennen) gar des teuffels vnd vchristlich. So doch dies
weyl für Gott sye selbs des teuffels eygen werden/vnd alleyn
dyser arm pöffell (wie ym der Babilonischen gefencknis dem
volck Israhel geschach) vnd ym land vnd rechten stand ist
blieben/vnd die besten vnd obersten zum teuffel gen Babilon
gefart synd mit blatten vnd kappen.

Tu hie ist mit not zusagē/wie dz weltlich regiment ein götlich
ordnūg vñ stand ist. Davō ich sonst so vil gesagt hab/dz ich
hoffe/es zweyffel niemant dran. Sondern ist zu handeln/wie
C ij

man feyne geschickte leutt dreyn kriege. Vnnd hye byeten vns die heyden eyn grossen trutz vnd schmach an/ die vorzeyten/ sonderlich die Römer vnd Kriechē/ gar nichts gewust habē ob solicher stand Got gefyele aber nicht/ vnd haben doch mit sollichem ernst vnd fleyß/ die yungen knaben vnd meydlin lassen lernen vnd auffzihen/ das sye dazzu geschickt würden/ das ich mich vnser Chrusten scheinen muß/ wenn ich drian dencke/ vnd sonderlich vnser deutschen/ die wir so gar stöck vnd thier synd/ vnnd sagen thüren. Ja was sollen die schulen/ so man nicht soll geistlich werden? die wir doch wissen oder yhe wissen sollen/ wie eyn nötiges vnd nützes ding es yst/ vnd Got so angemen/ wo eyn Fürst/ her/ radman oder was regiren soll/ geleert vnd geschickt yst/ den selben standt Chrustlich zufüren.

Wen ma gleich (wie ich gesagt habe) keyn seele were/ vn̄ man der schulen vnnd sprachen gar nichts dürffte vmb der schrift vnd Gottis willen. So were doch alleyn dyse vrsach gnugsam/ die aller besten schulen beyde fur knaben vnd meydlin an allen orten auff zurichten/ das die welt/ auch yhren weltlichen stand eusserlich zu halten/ doch bedarff eyner geschickter menner vnd frawen. Das die menner wol regirn kündē land vnd leutt. Die frawen wol zihen vnd halten kündē hauß/ kinder/ vnd gesinde. Tu solliche menner müssen aus knaben werden/ vnd solliche frawen müssen aus meydlin werden. Daruß ysts zuthun/ das man kneblin vnd meydlin dazzu recht lere vn̄ auffzyhe. Tu hab ich drobē gesagt/ der gemeyn man thut hie nichts zu/ kās auch nicht/ wylß auch nicht/ weiß auch nit. Fürste vn̄ herrn soltēs thun/ aber sie habē auff schlitten zuse/ zustrincken/ vnd yn der mumerey zulauffen/ vnd synd beladē mit hohen mercklichen geschefften des kellers/ der küchen vnd der kamer. Vnnd obs ettliche gern thetten/ müssen sye die anders schewen/ das sye nicht fur narren oder ketzer gehalten werden. Darumb wills euch lieben Radtherrn alleyne ynn der hande bleybenn / yhr habt auch raum vnnd fug dazzu / besser denn

Fürsten vnd Herrn.

Ja sprichstu. Eyn yglicher mag seyne tochter vnd sone wol selber leren oder yhe tzyhen mit zucht. Antwortt Ja man syhet woll/wie sychs leret vnd zeucht. Vnd wenn die zuchte auffss höhst getrieben wird, vnd woll gerett / so kompts nicht ferner/den das eyn wenig eyn eingezwungen vnd erbar geberz de da ist/sonst bleibens gleich woll eytel holzböcke/die widder hie von noch dauon wyssen zu sagen/niemant widder radtē noch helffen können. Wo man sye aber leret vnd zöge ynn schulen oder sonst/da gelerte vnd züchtige meister vnd meysteryn weren / da die sprachen vnd andere künst vnd hystorien lereten/da würden sye hören die geschichte vnd sprüche als er welt/wie es dyser Stadt/dysem reych/disem Fürste/dysem man/disem weibe/gangen were / vnd kündten also ynn kurtzer zeit / gleich der ganzen welt von anbegyn / wessen/leben/rath vnd anschlege/gelingen vnd vngelingen / far sich fassen/wie ynn eym spiegel/daraus sye denn yhren sinn schicken/vnd sich ynn der welt laufft richten künden mit Gottis furcht. Dazu witzig vnd klug werden aus den selben Historiē/was zusuchen vnd zu meyden were ynn disem eusserlichen leben/vnd andern auch darnach radten vnd regirn. Die zucht aber die mā dabeyne on solche schulen furnimpt/die wil vns weyße machen durch eygen erfahrung/ehe das geschicht/so syndt wir hundert mal tod/vnd habē vnser lebenlang alles vnberechtigt gehandelt/denn zu eygener erfahrung gehört vil zeit.

Weil den das yunge volck muß lecken vnd springen /oder yhe etwas zuschaffen habē/ das es lust ynnen hat/vnd yhm darynn nicht zu weren yst / auch nicht gut were/das mans alles weret. Warumb solet man denn yhm nicht solche schulen zurichten vñ solche künst furlegen? Sintemal es yzt vō gottis gnadē alles alsd zugericht yst/ dz die kind mit lust vñ spiel lere künde/es seyn sprachē oder and kunst oder historien. Vnd yst yetz nicht mehr die helle vnd das Segfeyr vnser schulen

da wir ynnen gemartertt sind/ vber den Casualibus vnd tem-
poralibus/ da wir doch nichts den eittel nichts gelernt haben
durch so viel steupen/ zittern/ angst vnd jamer. Tympt man
so vyl zeyt vnd mühe/ das man dy kynder spielen auff karten/
singen/ vnd tanzen leret/ Warum nimpt man nicht auch so
viel zeyt/ das man sie lesen vnd ander kunst leret/ weyl sie jung
vnd müßig/ geschickt vnd lustig da zü sind? Ich rede fur
mich/ Wen ich kynder hette vnd vermöchts/ Sye musten mir
nicht alleyne dye sprachen vnd hystorien hören/ sondern auch
singen/ vnd dye musica mit gangzen mathematica lernen. Den
was ist dyß alles/ den eyttel kinder spiel? darinnen die Kriech-
en yhre kynder vor zeytten zogen/ da durch doch wunder ges-
chickte leut auß worden zü allerley hernach tüchtig. Ja wey-
leyd ist mirs yzt/ das ich nicht mer Poeten vnd hystorien ge-
lesen habe/ vnd mich auch die selben nyemand gelernt hat. Ha-
be dafur müß lesen des teuffels dreck/ die Philosophos vnd
Sophisten mit grosser kost/ erbeytt/ vñ schaden/ das ich gnug
habe dran aus zusegen.

So sprichstu. Ja wer kan seyner kinder so emperen/ vnd
alle zü innckern ziehen? Sye müssen ym hause der erbeyt war-
ten. 2c. Antwort. Ist doch auch nicht meine meinüg/ dz man
solche schulen anrichte/ wie sie byßher gewesszen sind/ da eynn
Knabe zweintzig oder dreissig jar hat vber de Donat vñ Alex-
ander gelernt/ vnd dennoch nichts gelernt. Es ist yzt eyn an-
der welt/ vñ gehet anders zü. Meynn meynung ist/ das man
dye Knaben des tags eynn stund odder zwo lasse zü solcher
schule gehen/ vnd nichts deste weniger die ander zeyt ym haus-
se schaffen/ handwerck lernen/ vnd wo zü man sie haben wil
das beydes mitt eynander gehe/ weyl das volck jung ist/ vnd
gewarten kan. Bringen sie doch sonst wol gehen mal so vyell
zeit zü/ mit keulichen schieffen/ ball spielen/ lauffen/ vñ rammeln
Also kan eyn meydlin ja so viel zeyt haben/ das des tages
eyne stunde zü schule gehe/ vnd dennoch seyns geschäfts int

hause wol warte/ Verschlefft vnd vertanget vnnnd spielet es
doch wol mehr zeyt. Es feylet alleyn daran/das mann nicht
lust noch ernst dazü hat/das junge volck zü zihen/nach der
welt helfen vnd raeten mit feynen leuten. Der teuffell hat vnyell
lieber grobe blöche vñ vnnurze leut/das den menschen ja nicht
zü wol gehe auff erden.

Wilche aber der außbund dar vnter were/der mann sich
verhofft/das geschickte leut sollen werden zü lerer/vñ lereryn/
zü prediger vñ andern geistlichen emptern/dye sol man deste
mer vnd lenger da bey lassen/oder ganz daselbs zü verordes
nen/wie wir lesen von den heyligen mertern/dye .S. Hagnes
vnd Agata vnd Lucia vnd der gleychen auff zogen. Daher
auch dye klöster vnd stiffe komen sind/aber nu gar yn eynem
andern verdampfen brauch verkeret. Vnd das wil auch woll
not seyn/denn der beschorne hauffe nympt fast ab/so sind sie
auch das mehrer teyl vntüchtig zü leren vnnnd regiren/den sie
künden nichts/on des bauchs pflegen/Wilchs man auch sie
alleyn gelernt hat. So müssen wir ja leut haben/dye vns Gots
tis wort vñ sacrament reychen vnd seel warter seyn yn volck.
Wo wollen wir sie aber nemen/so man dye schulen zugehen
lest/vnd nicht andere Christlicher auffrichtet? Syntemall dye
schulen bysher gehalten/ob sie gleych nicht vergiengen/doch
nichts geben mügen/den eyttel verlorne schedliche verfürer.

Darumb es hohe not ist/nicht alleyne der jungen leut hal
ben/sondern auch beyder vnser stende geystlich vnd weltlich
zür halten/Das man ynn diser sachen mit ernst vnd ynn der
zeyt dazü thü. Auff das wirs nicht hynden nach/wen wirs
versenmet habenn/villeycht müssen lassen/ob wirs den gerne
thün wolten/vnnnd vmb sonst den reuling vnns mit schaden
beyssen lassen ewyglich. Den Gott erbeut sich reychlich/vnnnd
reycht die hand dar vnd gybt dazü/was dazü gehoret. Vers
achten wirs/so habenn wir schon vnser vrteyl mit dem volck
Israel/da Isaias von sagt. Ich habe meyn hand dar gebots

D

ten den ganzen tag dem ungleubigen volck/das mir wydders
strebt. Vnd Prover. 1. Ich habe meyne hand dar gebotten/vñ
nyemand wolts ansehen/yhr habt alle meynen rad verachtet/
Wolan so wil ich ewer lachen yn ewerm verderben vnd spot
ten/wen vber euch komet ewer unglück. 2c. da last vns fur hüt
ten. Sehet am züm exempel/wylch eynen grossen fleys der kö
nig. Salomo hyrinnen than hat/Wie er sich des jungen volcks
angenomen/das er vnder seynen königlichen geschefften auch
eyn buch fur das junge volck gemacht hat/das da heyst Pro
verbiorum/Vnd Christus selbs/wie zucht er dye jungen kynd
lin zü sich? wie fleysfytg besilhet er sie vns/vnd rümet auch die
engel/die yr warten. Mat. am. 18. das er vns anzeyge/woye eyn
grosser dienst es ist/wo man das junge volck wol zucht. Wy
derumb wie greulich er zurnet/so man sie ergert vñnd so vera
derben lesset.

Darumb lyedenn herrn last euch das werck anligenn/das
Got so hoch vonn euch foddert/das ewer ampt schuldig ist/
das der jugent so not ist/vnd des wydder welt noch geyst em
pern kan. Wyr sind leyder lang gnug yhm finsternis verfaulet
vñ verdorben. Wir sind alzü lange gnug deutsche bestien gewe
sen. Last vns eyn mal auch der vernunfft brauchen/das Gott
mercke dye danckbarkeytt seyner güter/vnd ander lande sehen/
das wyr auch menschen vñnd leutte sind/dye etwas nützlichs
entweder vñ in lernen oder sie leren kunden/da mit auch durch
vns die welt bessert werde. Ich habe das meyne gethan. Ich
wolt ye Deutschem lande gerne geraten vnd geholffen haben
ob mich gleich etlich darüber werden verachten vnd solichen
trewen rad yn wind schlagen/vnd bessers wissen wollem/das
mus ich geschehen lassenn. Ich weyl wol/das andere künden
besser habē außgericht/auch weil sie schweigen/richt ichs auß
so gut als ichs kan. Es ist ye besser dazü gered/wie ungschickt
es auch sey/den aller dinge dauon geschwigen. Vnd byn der
hoffnung Got werde ye ewer etliche erwecken/das mein treu

er rad nicht gar yn dye asschen falle/vñ werden ansehen, nycht
den der es redt/sondern dye sach selbs bewegen vnd sich bewes
gen lassenn.

Am letzten ist auch das wol zñ bedencken/allen den jenigē
so lyeb vñ lust haben/das solche schulen vñ sprachen yn Deut
schen landen auffgericht vnd erhalten werden/das man fleiß
vnd koste nicht spare/gut librareyen odder bücher heuser/sond
lich yn den grossen stedten/die solichs woll vermügen/zñuer
schaffen. Den so das Euangelion vnd allerley kunst sol bleibē/
mus es ye yn bücher vnd schrift verfassett vñnd angebunden
seyn. Wie die Propheten vnd Apostel selbs gethan haben/all
ich droben gesagt habe. Vñnd das nicht alleyn darumb/das
dye yeningen/so vns geystlich vnd weltlich fürstehen sollen/zñ
lesen vnd studirn haben/sonder das auch dye guten bücher be
halten vnd nicht verloren werden sampt der kunst vnd sprach
en/so wir yzt von Gottis gnaden haben. Hierynnen ist auch
S. Paulus fleißig gewesen/da er Timotheo befilhet/er solle an
halten am lesen vñnd auch befilht/ehr solle das pergamen zñ
Troada gelassen/mit sich bringen.

Ja solchs haben sich geflissen alle Königreyche/die etwas
sonderlichs gewesen sind/vñnd zñvor das Israelische volck/
vnter wilchen solchs werck Mose ansieng der erste/vnd hies
das buch des gesetzs yn dye lade Gottis verwaren/vñnd thet
vnter die hand der Leuiten/das man bey den selben solt holenn
abschrift/wer es bedürffte/also/das er auch dem Könige ge
peut/er solle von den Leuiten solchs buchs abschrift nemen.
Das man wol sibet/woye Got das Levitische Priesterthum vn
ter andern geschefften/auch dazñ verordenet hatt/das sie der
bücher hütten vnd warten sollten. Nach dem hat dise lebrarey
generet vnd gebessert Josua/darnach Samuel/David/Salo
mo/ Isaias/ vñnd so fort an vyell mehr Könige vnd Prophez
ten. Da her ist komen die heylige schrift des Alten Testamēts/
wilche sonst nymer mehr were zñ samen bracht odder blieben/

wo got nicht thette sollichen fleiß drauff heissen haben:

Dem exempel nach/haben auch die stiffe vnd klöster vor
zeitē Librarien angericht/wiewol mit wenig gutten büchern.
Vnd was er für schaden than hat/das man zu der zeit nicht
dros gehalten hatt/bücher vnd gute librarien zu verschaffen/
da man bücher vnd leute gnug darzu hatte/yft man darnach
woll gewar worden/das leyder mit der zeit dahyn gefallen ist
alle kunst vnd sprachen. Vnd an stat rechtschaffener bücher/
die tollē vnnützen schedlichen Möniche bücher/Catholicon/
Florista/Grecista/Labyrinthus/Dormi secure/vnd der gleichē
Esels myst vom teuffel eingefurt yft/dz damit die Lateynische
sprache zu bodē ist gangen/vnd nyrgent kein geschickte schu-
le noch lare noch weiße zu studirn yft ober blieben. Vnd wie
wir erfahren vnd gesehen haben/das mit so vil mühe vnd erbeit
man die sprachen vnd kunst/democht gar vnnolkomen aus
etlichen brocken vnd stücken aller bücher/aus dem staub vnd
würmen widder ersür bracht hat/vñ noch teglich dransücht
vnd arbeyt/gleich wie man ynn eyner zustöreten Stadt yn der
asschen nach den scherzen vnd kleynoten grebt.

Darynn yft vns auch recht geschehen vnd hatt/Got vns
fer vnd anckberkeyt recht woll bezalet. Das wir nicht bedach-
ten seine wolthatt/vnd vorrat schaffen/da es zeit war/vnd
woll kundten/damit wir gute bücher vnd gelerte leutt hetten
Behalten/liessen es so faren/als gienge es vns nicht an. Thett er
auch widderumb/vnd ließ an stat der heyligen schrift vnd
gutter Bücher den Aristotelen komenn mit vnzlichen sched-
lichen büchern die vns nür ymer weyter von der Biblien füres-
ten. Dazu die Teuffels laruen/die Möniche vnd der hohen
schulen gespenst/die wir mit vnmenschlichem gutt gestyfft vñ
vil Doctores/Predicadores/Magistros Pfaffen vñ müniche/
das yft/grosse/große/fette Esel/mit rotten vnd braunen parres-
ten geschmuckt/wie die saw mit eyner gülden keten vnd per-
len/erhalten/vnd auff vns selbs geladen haben/die vns nichts

guts lereten / sondern nur ymer mehr blinder vnd toller mach-
ten / vnd dafür alle vnser gut fressen vnd samleten nur des
dreck's vnd mistes yhrer vnflätigen gysstigen bücher alle klö-
ster / ya alle winckel voll / das grewolych zudencken yst.

Ists nicht eyn elender yamer byßher gewesen / dz eyn kna-
be hat müssen zwentzig yar oder lenger studiren / alleyn / das
er so vill böses lateynisch hat gelernt / das er möcht Pfaff wer-
den vnd Mess lesen? Vnd wylchem es dahyn komen yst / der
yst selig geweest. Selig yst die mutter geweest / die eyn söllch kind
getragen hatt. Vnd yst doch eyn armer vngelerter mensch sein
lebenlang bleyben / der widder zu glucken noch zu eyer legenn
getücht hatt. Solche lerer vnd meyster haben wir müssen als
lenthallen haben / die selbs nichts gekundt / vnd nichts guts
noch rechts haben mügen lerē / ya auch die weyse nicht gewist /
wie man doch lernen dnd leren solte. Wes ist die schuld? Es
syndt keyn ander bücher furhanden geweest / denn solche tolle
Müniche vnd Sophisten bücher. Was solten denn anders
draus werden / denn eittel tolle schüler vnd lerer / wie die bücher
waren die sye lereten. Eyn dole hecket keyne tauben / vñ eyn narr
machtet keyn klugē. Das yst der lohn der vndanckbarkeyt / das
man nicht hat fleysß an librareye gewendet / sondern hat lassen
die gutten bücher vergehen / vnd die vnnützen behalten.

Aber meyn rad yst nicht / das man on vnterscheyd allerley
bücher zu hauffe rasse / vnd nicht mehr gedencke / denn nur
auff die menge vnd hauffen bücher. Ich wolt die wal drum-
der habē / das nicht not sey / aller Juristen Cōment / aller Theo-
logen Sententiarum vnd aller Philosophen Questiones / vnd
aller Müniche Sermones zusamen. Ja ich wolt solchē mist
gantz außstossen / vnd mit rechtschaffene büchern meyne libra-
rey versorgen / vnd gelerte leut darüber zu rad nemen. Erstlich
solt die heylige schryfft beyde auff lateinisch / Kriechisch / Ebre-
ysch / vnd deutsch / vnd ob sye noch ym mehr sprachen were /
drynnen seyn. Darnach die besten außleger vnd die Eltisten

D iij

Schreyf di / rad

Beyde Kriechisch/Hebreisch/ vnd Lateynisch/wo ich sye fynde
künde. Darnach solche bücher/die zu den sprachen zu lernem
dienen/als die Poeten vnd Oratores/nicht angesehen ob sye heid
den oder Christē weren. Kriechisch oder Lateynisch. Den aus
solchen muß man die Gramatica lernen. Darnach solten sein/
die bücher von den freien künsten/vnd sonst von allen andern
künsten. Zu letzt auch der Recht vnd Erzeney bücher. Wies
wol auch hie vnter den Commenten einer gutten wal nott ist.

Mit den fürnemsten aber solten seyn die Chronicken vnd
Historien/wasserley sprachen man haben künde. Denn die selb
en wunder nütz synd/der welt lauff zuerkennen vnd zu regis
ren. Ja auch Gottis wund vnd werck zusehē. O wie manche
feyne geschichte vnd sprüche solt man yzt haben/ die yn deut
schen landē geschehen vnd gangen synd/der wir yzt gar keins
wyssen/das macht niemant ist da gewesen/der sie beschriebent/
oder ob sie schon beschriben gewest werē/niemant die bücher
gehalten hatt/darumb man auch vom vns Deutschen nichts
weyß ym andern landen/vnd müssen aller welt die Deutschen
bestien heysen/die nichts meer künden/den Kriegen vnd fressen/
vnd sauffen. Aber die Kriechischen vnd Lateynischen. Ja
auch die Hebreischen haben yhr ding so gnaw vnd fleissig be
schriebē/das/wo auch eyn weyb oder kindt etwas sōnderlichs
gethan oder geredt hatt/das muß alle welt lesen vnd wissen/
dieweil synd wir Deutschen noch ymer Deutschen/ vnd wölle
deutsche bleyben.

Weill vns denn yzt Gott so gnediglich beratten hatt/mit
aller fülle/beyde der kunst/gelerter leutte vñ bücher/so ysts zeit/
das wir erndten vnd einschneitten das beste/das wir künden/
vnd scherze samlen/damit wir etwas behalten auff dz zukünf
tige von dysen gülden yaren/vnd nicht dysse reiche erndte ver
seumen. Denn es zu besorgen yst/vnd yzt schou widder anse
het/das man ymer new vnd ander bücher macht/das zu letzt
dahyn kome / das durch des teuffels werck die gutten bücher/

so ytz durch den druck erfur bracht syndt/widderumb vnter
druckt werden/vnd die losen heylosen bücher von vnnütze vñ
tollē dingē wider ein reissen vud alle winckel fülle. Den damit
geht d̄ teufel gewyßlich vmb/dz man sich widderüb mit eytel
Catholicon/Floristen/Modernisten vnd des verdäpten Mū-
nichen vnd Sophisten müßs/tragen vnnnd martern müße/wie
vorhynn / vnd ymer lernen vnnnd doch nymer nichts erlernen.

Derhalben bitt ich euch meyne liebē herrn/wöllet dysse mei-
ne trewe vnd fleysß/bey euch lassen frucht schaffen. Vnnnd ob
etlich weren/die mich zugeringe dafur hieltenn / das sie meis
radts solten leben/oder mich als den verdampften von den ty-
rannen/verachten/die wolten doch das ansehen/das ich nicht
das meyne/sondern alleyn des gantzen Deutsche landes glück
vnd heyll süche. Vnd ob ich schon eyn narr were/vnnnd tresse
doch was guts/solts yhe keinem weysen eyn schande dünckē/
mir zuzolgen. Vnd ob ich gleich eyn Türcke vnd heyde were/
so man doch sibet/ das nicht mir darauß kan der nutz komē/
sondern den Christen/sollen sie doch billich meinē dienst nicht
verachten. Es hatt wol ehe mals eyn narr baß zugeratten/den

eyn ganze rath der klugen. Mose müste sich von Jetro
lernen lassen. Hiemit befylh ich euch alle Gottes gnadē/
der wolt ewer hertzen erweichē vnd anzündē/
das sie sich der armen/elenden/verlassene
yugent mit ernst annemē/ vnd durch
Götliche hilffe/ihñ radten vnnnd
helffen zu seligem vnd Christ-
lichem regimēt deutsches
lands an leyß vnd seel
mit aller fülle/vnd vberfluß zu lob vnd ehren Got
des vatter durch Jesum Christum vnsern heyland. Amen.

¶ Gedruckt zu Erffordt zu dem puncten
Lauwen bey. S. Paniel. 1524.

Faint, illegible text, likely bleed-through from the reverse side of the page. The text is arranged in several lines and is difficult to decipher due to its low contrast and the age of the paper.



In Nicolai Chomengij. tractatu de lapsu & reprobatione
Iustitiae. de corrupto ordine status etc. Statuta.

Alpenarum prima plura ab ecclesiis suis fo. 146.

Agarum Hispanicis expulsi. 9.

Amirorum idem velle et nolle. 72.

Anglia. Annatus non esse plurimos. Carolus gelud' noluerunt 77. Et

ibi de 9. stat. Anglie. & franc' plurimum varietate 79.

Annatus non plures esse similes. plura non sunt etc. 84. 85. 115.

Annatus esse non reprobationem 87.

Annatus velle & subire fo. 22. pro legat' francie & p'p'ia 91.

Annatus non plures esse. Gualterum. natus. 94. 75.

Annatus proprius. posse. 99. & quomodo plures publicos reprobent ad

Annatus in iusto basiliensi County 104.

Annatus. sine pro opinio pariter. 117. & de rebus pluri. 126. et prelatum

Apostoli & in suis aptum in rebus. Constanti. 2d' curante.

+ minima prima non sunt. de rebus & de solutione Annatus etc. 75.

Aptum in sua annatione. Iustitiam. 95. Et pro prelatum

Statutum etc. 112. + ibi quomodo non deferunt.

Anglia quomodo gravata exortibus. 102.

Assistentia per presentiam. & gratiam. 51.

Banorum. in vicinis.

Basiliensi County appellatus. 128.

Beneficiorum ab ecclesiis qualia in modum imponitur 136.

Beneficiorum reprobatio. v. Electum

Bonus tria genera. 4.

Bubone computo. etc. 67.

Chomengij aduersus reprobationem 59.

97. 99.

Cardinalibus subiectis. & quomodo sunt in duplici statu. de eorum officio & iure etc.

Cardinalium statum & introductionem. 140.

Behalte...

capitulum

- Cardinalium multitudinem consilio & jurisdictione 141. 142.
- Cardinales. fuerunt imperatorum 163.
- Camera aplice p[ro]m[issi]o[n]is annuatim 108. 138.
- Camellum regum & consilio in v[er]bo 140.
- Canonici & capitulum 149.
- Canonici p[ar]te et fraternitate &
- Civitas est 7.
- Cybuli. dicitur q[uod] dicitur 152.
- Clementis p[ro]p[ri]e regim[en] et temp[or]e 156.
- Conatib[us] gubern[ati]o[n]is 36. & dicitur sup[er] m[er]ita v[er]bi g[ra]t[ia] 38. 46.
- Conatib[us] p[ro]p[ri]is 39. 45. Conatib[us] p[ro]p[ri]is 44. 58.
- Conatib[us] o[mn]i[um] v[er]ba an e[ss]e d[icitur] 50. Et quod t[er]m[in]u[m] d[icitur] g[ra]t[ia] f[er]re n[on] p[oss]u[n]t. e.
- Conatib[us] p[ro]p[ri]is m[er]ita p[ro]p[ri]os p[ro]p[ri]os p[ro]p[ri]os q[ui]b[us] sup[er] d[icitur] 61. vi. d[icitur]
- Conatib[us] q[ui]b[us] v[er]ba p[ro]p[ri]os d[icitur] 62.
- Conatib[us] q[ui]b[us] v[er]ba p[ro]p[ri]os d[icitur] 65.
- Conatib[us] p[ro]p[ri]os d[icitur] 53.
- Collecte & d[icitur] p[ro]p[ri]os 96.
- Collecte p[ro]p[ri]os & m[er]ita p[ro]p[ri]os 139.
- Constantin[us] donato e[ss]e facta 97.
- Conatib[us] v[er]ba p[ro]p[ri]os 145.
- Cristus a d[icitur] d[icitur] 52.
- Deo p[ro]p[ri]os 40.
- Deo p[ro]p[ri]os ad e[ss]e d[icitur] 133.
- Deo p[ro]p[ri]os d[icitur] 123.
- Deo p[ro]p[ri]os 20.
- Deo p[ro]p[ri]os ad e[ss]e d[icitur] p[ro]p[ri]os 60.
- Deo p[ro]p[ri]os 26. Deo p[ro]p[ri]os d[icitur] 30.
- Deo p[ro]p[ri]os v[er]ba p[ro]p[ri]os.

- 45. Ecclesie auctus. etiam falli + falli posse 39. 50.
- 46. Ecclesie per 4 gradus pars in 55. et non omnia in istis in Gregor 29 Gregor 2.
- Ecclesie vera + plura referre. respondere sui mores ecclesie 57.
- Ecclesie iura que sunt in gladio + humilitate 88.
- Ecclesie contra processu Romanas. 96.
- Ecclesie corruptio statum tract. 132.
- Ecclesie + fundatio + dotatio in corruptis statum ecclesie 134. Et ibi 136.
- De laude presby 135. Et de populo in oratione ex afflictione 224 presby 136.
- 1. Ecclesie sine vitiis ex quibus vicia mala oritur 137.
- Ecclesie que opprimunt veritatem + alia veritatis. 139.
- Ecclesie multiplex viciis + omni 142.
- 2. Ecclesie. quereis auctoritas ad Aug 153. causa auctoritas sup de form^{te} auctoritate ecclesie presby. + quare de bonis viciis auctoritas presby. 154. 155.
- Ecclesie presby statum quare merito pati + Ecclesie presby statum sup de laude ad viciis 155.
- Ecclesie presby vitanda que corrigenda 157.
- Ecclesie gradus presby 158.
- Ecclesie si flores + fructus hanc 159. 200 auctoritas + satisfactio statum 7.
- Ecclesie presby quibus ex vitiis 163.
- Electionis abolitione + beneficiis et suorum. 137.
- Exartus minus ex impoant suis subditis. nisi in extrema necessitate 28. 33.
- Evangelio in ecclesia. nisi auctoritas ecclesie in compellere 40. 41.
- Evangelia multa scripta 42.
- Exartus in Gallia. 99. + summe omni nationem 100.
- Exartus Romanorum imperator. quod libri canonicorum de 81. by Corbinis
- Exportatio + qualitate mercium ad Ci. Romanam. 138.
- Exemptio proventus causa vitanda. 149.
- Falli viciis. sed omnia viciis agere. plura de ist. 63.
- Familia Cardinalium et episcoporum 98.
- Fiducia rupta 19.
- Finantia Romanorum 116.

Gallogracia 3. Gallia asalyana 2.
 Gallorum regno tunc nulla iustitia 16.
 Galliarum natus omni maxime Quarta 102.
 Gallia y Romanorum tubulata. 156.
 Germania a Romanis grauita 102.
 Graeca etia s. etia.
 Heceps oportere esse ad etia vultuay dicitur apth 54.
 Hispania annuay grauita. 102.
 Hungaria fundamētum perspectoy 151.
 Intelligentia dicitur ex causis dicitur assumenda. 70.
 Imitatio. Quingens y Chiriacus 83.
 Interesse mercatorum 93.
 Iustitiam lapsus et reparatio. 1. Iustitiam diffinitio. 4.
 Iustitiam excolenda. 4. Iustitia y pax y iudicium 19.
 et Iustitiam a pax dicitur bonorum 8.
 Iustitia quā reparanda 20. Iustitia venales 23.
 Iuristas y Theologi
 Iuridicorum vultuay et eaz abusibz. 145.
 Italorum dispensatio 11. Italia grauita. 102.
 Lex pax y iudicium 19.
 Interdum heres. 152.
 Mercatorum y bonorum Interesse. y Interesse
 in iudicantibus ordinibus y eaz suam iustitiam y etia 150.
 in iudicantibus y pax y iudicium e.
 Milanorum discipline reformatio 31.
 Monachorum y iustitia
 Monachorum vita et moribus sui y pax y iudicium y etia 147.
 Monachorum impudens vita et vultuay. 152.



Nobilibus ignobilibus equari 23.

Nuntius quibus de publica led. 17. Et de nuntius
ut mouet et ordinator 35.

Minima aliorum rei p. r. p. r. 36.

Obligatio prelati. quibus ad annatas v. p. r. 30.

Oratio pro regibus. 30.

Ordinis factorum collatio simoniarum 145. 7 de h. a. r. p. r. 17
H. d. p. r. m. i. d. i. g. n. i. s. e. t. i. d. i. g. n. e. 146.

Pauca in omni episcopi salute gratia 7 p. r. o. p. t. i. 57.

Papa subuentus ab electis in 96. 17. P. r. i. t. i. o.

Papa pro rebus custodiat rationes 115.

Papa regis exorbitantibus in vita p. r. o. d. i. c. e. r. e. 137.

Pensionibus 141.

perfectio religio. v. d. m. d. i. c. a. 7

Pellena omnis. ex tibus consistunt hominibus 127.

Precepto impedita in prelatu annuata 80. 81.

Prelati: Archiepiscopi Episcopi obligatio p. r. o. m. i. a. t. i. o. n. e. 107. Et

q. r. a. p. t. i. o. n. e. r. e. m. i. s. s. i. o. n. e. 109. Et p. r. i. n. c. i. p. i. s. e. t. q. u. o. d.

d. i. c. t. u. m. n. u. l. l. i. s. r. e. b. u. s. 110.

Prelati hodie precipua cura est congregatio pecuniarum 143.

Prelati v. r. i. s. 144

Prelati in rebus p. r. i. n. c. i. p. i. s. r. e. s. i. d. u. i. b. u. s. 147. L. i. b. e. r. t. a. t. e. m. e. r. c. e. n. a. r. i. j. d. i. c. t. u. m.

Et v. l. i. b. e. r. t. a. t. e. a. b. s. e. n. t. i. a. q. u. i. p. r. e. s. e. n. t. i. a. 148

In p. r. i. n. c. i. p. i. s. i. u. s. t. i. t. u. t. i. a. 7 c. l. e. m. e. n. t. i. a. i. n. t. e. r. d. i. n. a. 2. v. l. i. b. e. r. t. a. t. e. r. e. p. u. b. l. i. c. e.

Prærogative sancti observatio in Gallia 129

Promotio ex parte 139. 7 d. e. e. x. e. m. p. t. i. o. n. e.

Promotio ad iustam p. r. i. n. c. i. p. i. s. p. p. r. i. n. c. i. p. i. s. i. l. i. j. p. r. o. p. r. i. e. 142.

Ratione pro eorum voluntate 21. L. e. x. v. l. i. b. e. r. t. a. t. e.

Regibus principibus p. r. e. s. e. n. t. i. a. t. i. o. n. e. m. e. r. c. e. n. a. r. i. j. 7 m. i. n. i. m. u. l. t. a. t. i. o. n. e. s. i. m. p. e. r. i. a. 23.



Religiosorum unum modum in modis propriis p[ro]p[ri]o tempore. 153.
 ad Romanis p[ro]p[ri]is & p[ro]p[ri]is obliuio g[ra]uita. Italij p[ro]p[ri]is Al[bi]norum
 p[ro]p[ri]a d[omi]ni. 80.
 Rome p[ro]p[ri]is v[er]u[m] ad p[ro]p[ri]os p[ro]p[ri]os in 83.
 p[ro]p[ri]a v[er]u[m] p[ro]p[ri]is & p[ro]p[ri]is p[ro]p[ri]is. et ab om[n]i
 p[ro]p[ri]is malis abstineri. Deus voluit. 84.
 Rome p[ro]p[ri]is p[ro]p[ri]is. Ad v[er]u[m] v[er]u[m] p[ro]p[ri]is p[ro]p[ri]is p[ro]p[ri]is
 p[ro]p[ri]is v[er]u[m] p[ro]p[ri]is. 140. p[ro]p[ri]is v[er]u[m] p[ro]p[ri]is. 140.
 p[ro]p[ri]is v[er]u[m] p[ro]p[ri]is p[ro]p[ri]is. 160. 164. 168.
 Sacalig[er]u[m] p[ro]p[ri]is v[er]u[m] p[ro]p[ri]is. malitia. 12.
 p[ro]p[ri]is p[ro]p[ri]is. 43.
 p[ro]p[ri]is v[er]u[m] p[ro]p[ri]is p[ro]p[ri]is p[ro]p[ri]is. 75.
 p[ro]p[ri]is v[er]u[m] p[ro]p[ri]is p[ro]p[ri]is. 100.
 p[ro]p[ri]is p[ro]p[ri]is p[ro]p[ri]is ad p[ro]p[ri]is ad v[er]u[m]. 80. 82. 89. 105.
 p[ro]p[ri]is p[ro]p[ri]is. 141.
 p[ro]p[ri]is v[er]u[m] p[ro]p[ri]is p[ro]p[ri]is. 145.
 p[ro]p[ri]is v[er]u[m] ad p[ro]p[ri]is p[ro]p[ri]is p[ro]p[ri]is. 60. v[er]u[m] p[ro]p[ri]is
 p[ro]p[ri]is p[ro]p[ri]is p[ro]p[ri]is ad p[ro]p[ri]is. 67.
 p[ro]p[ri]is v[er]u[m] p[ro]p[ri]is p[ro]p[ri]is & a v[er]u[m] p[ro]p[ri]is. 60.
 Theologos v[er]u[m] p[ro]p[ri]is. 5. 6.
 a. p[ro]p[ri]is v[er]u[m] p[ro]p[ri]is p[ro]p[ri]is. 24.
 p[ro]p[ri]is v[er]u[m] p[ro]p[ri]is p[ro]p[ri]is. 69.
 p[ro]p[ri]is p[ro]p[ri]is p[ro]p[ri]is. 70.
 p[ro]p[ri]is p[ro]p[ri]is p[ro]p[ri]is v[er]u[m] p[ro]p[ri]is. 79. 100.
 p[ro]p[ri]is p[ro]p[ri]is p[ro]p[ri]is. 105.
 p[ro]p[ri]is p[ro]p[ri]is & alij v[er]u[m] p[ro]p[ri]is p[ro]p[ri]is. 139.
 p[ro]p[ri]is v[er]u[m] a p[ro]p[ri]is p[ro]p[ri]is. 48.
 p[ro]p[ri]is v[er]u[m] p[ro]p[ri]is p[ro]p[ri]is p[ro]p[ri]is p[ro]p[ri]is. 157.
 p[ro]p[ri]is p[ro]p[ri]is p[ro]p[ri]is p[ro]p[ri]is. 165.
 p[ro]p[ri]is. 15. 25. h[ab]it[us].



77L 1006

77L 1006

una gens qsi
l singulare ponit
de mudo non h
Ecc psecutus amat q a
dio malignauit. A. v
facioze re dipo e ad

una gens qsi
l singulare ponit
de mudo non h
Ecc psecutus amat q a
dio malignauit. A. v
facioze re dipo e ad

ULB Halle 3
002 815 141


56






an 7

An die Baderen aller Städte Deutsches

lands: das sie Christliche Schulen auffrichten vnd halten sollen.

Martinus Lutther. Wittenberg. M. D. X. Xiiij.

Lasse die Kinder zu mir Kommen vnd weret yhnen nicht Mat. 19.



b.

Inches 1 2 3 4 5 6 7 8 9 10 11 12 13 14 15 16 17 18 19

Centimetres 1 2 3 4 5 6 7 8 9 10 11 12 13 14 15 16 17 18 19

Blue Cyan Green Yellow Red Magenta White 3/Color Black

Farbkarte #13

B.I.G.

